



**Avgvstini Valerii, Veronensis Episcopi, De Rhetorica
Ecclesiastica Libri III. Perqvam Ervditi**

Valiero, Agostino

Coloniae, 1582

Qua ratione terrere, mirari, & optare possit orator. Cap. XXXVII.

[urn:nbn:de:hbz:466:1-69050](https://nbn-resolving.de/urn:nbn:de:hbz:466:1-69050)

Qua ratione terrere, mirari, & optare possit
orator.

Cap. XXXVII.

TERREBIT orator, si incommoda belli, penuria, pestis, et maximè diuinæ indignationis, effectus, ante oculos ponat. quæ figura maximè adhibenda est in oppidis, & præsertim ruris; verbi causa: Non colligetis mes- ses, fratres, filij vestri immatura morte vobis præripien- tur, varijs calamitatibus opprimemini, quia Deum non agnoscitis, quia eum blasphematis, quia decimas frauda- tis. Miratur interdùm Ecclesiasticus orator, indè occa- sionem sumens, agèdi gratias Deo, verbi causa, cùm Ec- clesiam alicuius oppidi, admodùm nobilem & magnificè constructam intuetur, cùm aliquod præclarum & nobile institutū, imitatione dignum in oppidis reperit, cùm de- xtera excelsi mutationem factam animaduerterit. Quæ figura raro adhibetur, & magna cum cautione, nè dum miratur, tacitè laudare aut adulari videatur. Hac for- ma dicèdi uti possunt fortassè episcopi còmodè, dum dio- cœsim suam visitant. Optationis exemplū est illud Esaia: Utinam attendisses mandata mea; facta fuisset sicut flu- men pax tua, & iustitia tua sicut gurgites maris. Eccle- siasticus autem orator, cùm aut ex munere suo, aut ad nobilissimū concionādi munus missus fuerit, optantis per- sonam sàpè induet. cùm enim paterna charitate comple- ctatur eos, apud quos dicit; quæ patres optant filij suis, hoc est, quæ eorū vitæ, & eorum còmodis sunt necessaria, ea pro animarū salute, & pro vita spiritualis incremēto, ipse debet optare: & ideo proprio nomine appellans vil- lam, aut oppidū, aut ciuitatē, in qua sermonem habebit,

vbi

ybi quæ agenda sunt Christiano, docuerit, explicans Eu-
angelium aut Epistolam, poterit dicere: Utinam saperes,
utinam intelligeres, utinam nouissima præuideres, utinam
tibi attenderes, utinam Dei voces audires, & vnam, aut
harum duas, quas dicimus optationes, poterit pluribus
verbis explicare.

De libera voce, & de exclamacione.

Cap. XXXVIII.

LIBERAM vocem protulit Gregorius Nazianz. Lin laudibus Cæsarij, cum dixit: Meum munus est oratio, quam etiam fortasse posteritas exceptura est, nunquam inter morientem, nec eum, qui ex hac vita migravit, prorsus abire sinente, verum in auribus animisq; hominum, quem ornandum suscepit, semper conseruantem; eiusq; qui desideratur, imaginem expressius, quam in tabula proponetem. liberam interdum vocem proferre poterit Ecclesiasticus orator, raro tamen admodum, verbicausa: Quid potui facere, fratres, & non feci? nunquam per multum tempus à vobis discessi, vobis sanctissima sacramenta ministravi, verbum Dei explicavi; pauperibus, quantum potui, opem tuli; paterno vos omnes amore dilexi; pro quibus rebus, quas gratias mihi habeti, fratres? nihil profuit mea diligentia, obfuit potius quibusdam, qui me monente ferre non possunt, & veluti phrenetici, animarum suarum medicum auersantur. Sed adhibenda est maxima cautio, nè hac figura nimium delectari videatur Ecclesiasticus orator. Exclamatione versus est Nazian. in Apologetico, cum dixit: Ad peccatum buiusq; medicos & de pulsores, frontem aperte perficata.

MWB